

# ხელშეკრულება სახელმწიფო შესყიდვის შესახებ № -----

თბილისი

----- 2021წ.

## ხელშეკრულების დამდები მხარეები:

ერთის მხრივ, სსიპ „საქართველოს სახელმწიფო უზრუნველყოფის სააგენტო“ (შემდგომში „შემსყიდველი“), იურიდიული მისამართი: ქ.თბილისი, დადიანი/გალაკტიონის ქ. N13/18, ს/კ: 204522793 წარმოდგენილი დირექტორ დავით სალაღიას სახით და მეორეს მხრივ, „-----“ (შემდგომში „მიმწოდებელი“), იურიდიული მისამართი: -----, ს/კ: -----, წარმოდგენილი დირექტორ ----- სახით.

იმის გათვალისწინებით, რომ „შემსყიდველმა“ ჩაატარა გამარტივებული ელექტრონული ტენდერი (SPA-----) ცეცხლმაქრების დამუხტვის (შემდგომში „მომსახურება“) (CPV-90900000) შესყიდვაზე, რომელშიც გამარჯვებულად მიჩნეულ იქნა „მიმწოდებლის“ სატენდერო წინადადება, რომლის თანახმად მიმწოდებელმა აიღო ვალდებულება მიაწოდოს „შემსყიდველს“ ზემოხსენებული მომსახურება შემდეგ ფასად: ----- (-----) ლარი (შემდგომში „ხელშეკრულების ფასი“),

## მხარეები თანხმდებიან შემდეგზე:

### 1. გამოყენებული ტერმინების განმარტებები.

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- o „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- o „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ „მიმწოდებლის“ მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- o „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- o „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და აწვდის მომსახურებას სახელმწიფო შესყიდვის შესახებ მოცემული ხელშეკრულების ფარგლებში;
- o „დღე“, „კვირა“, „თვე“ ნიშნავს კალენდარულ დღეს, კვირას, თვეს.

### 2. წინამდებარე ხელშეკრულება ადასტურებს შემდეგს.

1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.
2. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:
  - ა) წინამდებარე ხელშეკრულება;
  - ბ) „მიმწოდებლის“ მიერ წარმოდგენილი სატენდერო წინადადება;
  - გ) ტექნიკური პარამეტრები და ფასების ცხრილი.
3. „მიმწოდებელი“ იღებს ვალდებულებას მიაწოდოს „შემსყიდველს“ ზემოაღნიშნული მომსახურება ხელშეკრულების პირობების შესაბამისად.
4. „შემსყიდველი“ იღებს ვალდებულებას აუნაზღაუროს „მიმწოდებელს“ „ხელშეკრულების ფასი“ ხელშეკრულების პირობებში ასახულ ვადებში და ფორმით.

ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად.

### 3. ხელშეკრულების საგანი და სტანდარტები.

3.1. ხელშეკრულების საგანია №1 დანართში მითითებული მომსახურების (CPV90900000) შესყიდვა, ხელშეკრულებით გათვალისწინებული პირობების დაცვით.

3.2. ხელშეკრულების ფარგლებში მიწოდებული მომსახურება უნდა შეესაბამებოდეს ტექნიკურ დოკუმენტაციაში მითითებულ პირობებს.

#### **4. ხელშეკრულების შესრულების კონტროლი.**

- 4.1. „შემსყიდველს“ ან მის წარმომადგენლებს უფლება აქვთ განახორციელონ მიწოდებული მომსახურების ტექნიკური კონტროლი, რათა დარწმუნდნენ მის შესაბამისობაში ხელშეკრულებით გათვალისწინებულ ტექნიკურ პირობებთან.
- 4.2. „მიმწოდებელი“ ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
- 4.3. ამ მუხლის არცერთი პუნქტი არ ათავისუფლებს „მიმწოდებელს“ მოცემული ხელშეკრულების სხვა ვალდებულებებისაგან.
- 4.4. „მიმწოდებლის“ მიერ ხელშეკრულებით ნაკისრი ვალდებულებების შესრულების კონტროლს „შემსყიდველის“ მხრიდან განახორციელებს სააგენტოს უზრუნველყოფის სამსახურის უფროსი გურამ ალთუნაშვილი.

#### **5. მიწოდების პირობები.**

- 5.1. „მიმწოდებელმა“ უნდა უზრუნველყოს №1 დანართში მითითებული მომსახურების (CPV90900000) მიწოდება, ტექნიკურ დავალებაში და ფასების ცხრილში მითითებული პირობებისა და მახასიათებლების შესაბამისად, წინამდებარე ხელშეკრულების ხელმოწერიდან 10 (ათი) სამუშაო დღის განმავლობაში.
- 5.2. მომსახურების მიწოდების ადგილია:
- ა) ქ. თბილისი, ცუცქერიძე/აბდუშელიშვილის ქუჩების მიმდებარე ტერიტორია (საქართველოს პრეზიდენტის ადმინისტრაცია); ქ. თბილისი საერთაშორისო აეროპორტის სამთავრობო გასასვლელის მიმდებარე ტერიტორია;
- ბ) თბილისი ათონელის ქ. N 25 საქართველოს პრეზიდენტის ადმინისტრაციის შენობა და მიმდებარე ტერიტორია; ქ. ბათუმის საერთაშორისო აეროპორტის სამთავრობო გასასვლელის მიმდებარე ტერიტორია. აეროპორტის გზატკეცილი N220;

#### **6. შესყიდვის ობიექტის მიღება-ჩაბარების წესი.**

- 6.1. მომსახურება ან მისი ნაწილი ჩაითვლება მიღებულად მიღება-ჩაბარების აქტის გაფორმების შემდეგ, რომელიც უნდა დადასტურდეს მხარეთა უფლებამოსილი წარმომადგენლების მიერ.

#### **7. ანგარიშსწორება.**

- 7.1. ანგარიშსწორება „მიმწოდებელთან“ განხორციელდება ლარებში.
- 7.2. გადახდის ფორმა - „მიმწოდებლის“ რეკვიზიტებში მითითებულ საბანკო ანგარიშზე გადარიცხვით.
- 7.3. „შემსყიდველი“ ანგარიშსწორებას განახორციელებს მომსახურების გაწევის შემდგომ, მხარეთა შორის მიღება-ჩაბარების აქტის გაფორმებიდან 10 (ათი) სამუშაო დღის ვადაში.

#### **8. ხელშეკრულებაში ცვლილებების შეტანა.**

- 8.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 8.2. თუ რაიმე წინასწარ გაუთვალისწინებელი მიზეზების გამო წარმოიშობა „ხელშეკრულების“ პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 8.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამასთან, ამგვარი გარემოებების წარმოშობის შემთხვევაში „ხელშეკრულების“ ჯამური ღირებულების გაზრდა დაუშვებელია „ხელშეკრულების“ 10%-ზე მეტი ოდენობით.
- 8.4. „ხელშეკრულების“ პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება „ხელშეკრულების“ განუყოფელ ნაწილად.

#### **9. უფლებების გადაცემა.**

- 9.1. „მიმწოდებელმა“ „შემსყიდველის“ წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები.

## 10. ხელშეკრულების პირობების შესრულებლობა.

10.1. „მიმწოდებლის“ მიერ ნაკისრი ვალდებულებების შესრულებლობის ან/და არაჯეროვნად შესრულების შემთხვევაში „შემსყიდველი“ უფლებამოსილია დააკისროს „მიმწოდებელს“ პირგასამტეხლო „ხელშეკრულების“ ღირებულების 5%-ის ოდენობით, ხოლო „ხელშეკრულების“ პირობების დაგვიანებით შესრულების შემთხვევაში „მიმწოდებელს“ ეკისრება პირგასამტეხლო „ხელშეკრულების“ ღირებულების 0.02 პროცენტის ოდენობით ყოველი დაგვიანებული დღისათვის.

10.2. „მიმწოდებელი“ ვალდებულია დაფაროს 10.1 პუნქტით გათვალისწინებული პირგასამტეხლო არაუგვიანეს „შემსყიდველის“ წერილობითი მოთხოვნიდან 10 (ათი) სამუშაო დღის ვადაში.

10.3. „მიმწოდებლის“ მიერ ხელშეკრულებით ნაკისრი ვალდებულების განმეორებით შესრულებლობის და/ან პირგასამტეხლოს დადგენილ ვადაში გადაუხდელობის შემთხვევაში ან თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3 პროცენტს, „შემსყიდველს“ უფლება აქვს შეწყვიტოს ხელშეკრულება.

10.4. საჯარიმო სანქციების გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

## 11. ხელშეკრულების შეწყვეტა მისი პირობების შესრულებლობის გამო.

11.1. „შემსყიდველს“ შეუძლია მთლიანად ან ნაწილობრივ შეწყვიტოს „ხელშეკრულება“ „მიმწოდებლისათვის“ ვალდებულებების შესრულებლობის წერილობითი შეტყობინების შემდეგ:

(ა) თუ „მიმწოდებელს“ „ხელშეკრულებით“ გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „მომსახურება“ ან მისი ნაწილი;

(ბ) თუ „მიმწოდებელს“ არ შეუძლია შეასრულოს „ხელშეკრულებით“ გათვალისწინებული, რომელიმე ვალდებულება.

11.2. „ხელშეკრულების“ ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

11.3. „შემსყიდველს“ აგრეთვე შეუძლია მიიღოს გადაწყვეტილება „ხელშეკრულების“ შეწყვეტის შესახებ, თუ:

ა) თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს „ხელშეკრულებით“ ნაკისრი ვალდებულებების შესრულებას;

ბ) „მიმწოდებლის“ გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

11.4. ამ მუხლის 11.3. პუნქტის, „ა“ და „ბ“ ქვეპუნქტებში მითითებულ შემთხვევებში „შემსყიდველი“ ვალდებულია აუწყოს „მიმწოდებელს“ ფაქტიურად მიღებული მომსახურების ღირებულება.

## 12. ფორს-მაჟორი.

12.1. „ხელშეკრულების“ დამდები რომელიმე მხარის მიერ „ხელშეკრულების“ პირობების შესრულებლობა არ გამოიწვევს საჯარიმო სანქციების გამოყენებას და „ხელშეკრულების“ შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შესრულებლობა არის ფორს-მაჟორული გარემოების შედეგი.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საბიუჯეტო ასიგნებების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში „ხელშეკრულების“ დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოანახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

### **13. სადაო საკითხების გადაწყვეტა.**

13.1. „შემსყიდველმა“ და „მიმწოდებელმა“ ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ წინამდებარე ხელშეკრულებასთან დაკავშირებული ნებისმიერი უთანხმოება და დავა.

13.2. შეუთანხმებლობის შემთხვევაში ნებისმიერი მხარე უფლებამოსილია დავის გადაწყვეტის მიზნით მიმართოს სასამართლოს, მოქმედი კანონმდებლობით დადგენილი წესით.

### **14. გამოყენებული სამართალი.**

14.1. „ხელშეკრულება“ დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

### **15. ხელშეკრულების ენა.**

15.1. „ხელშეკრულება“ შედგენილია ქართულ ენაზე. „ხელშეკრულებასთან“ დაკავშირებული ნებისმიერი მიმოწერა და სხვა დოკუმენტაცია, რომელიც გაცვლება მხარეთა შორის, შესრულებული უნდა იყოს ქართულ ენაზე.

### **16. შეტყობინება.**

16.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება ელექტრონული ფოსტის (ორიგინალის შემდგომი წარმოდგენით) ან წერილის სახით, „ხელშეკრულებაში“ მითითებული მეორე მხარის მისამართზე.

16.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით თუ ამ თარიღებიდან რომელი უფრო გვიან დგება.

### **17. გადასახადები და დაბეგვრა:**

17.1. „მიმწოდებელი“ პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე.

### **18. ხელშეკრულების მოქმედების ვადა:**

18.1. წინამდებარე ხელშეკრულება ძალაშია მისი ხელმოწერის დღიდან 2021 წლის 31 დეკემბრის ჩათვლით.

### **19. დასკვნითი დებულებები**

19.1. „ხელშეკრულება“ შედგენილია ქართულ ენაზე ორ (2) თანაბარმნიშვნელოვან იდენტურ ეგზემპლარად და ინახება მხარეებთან.

19.2. წინამდებარე ხელშეკრულების ნებისმიერი ცვლილება და დამატება ძალაში შედის მხოლოდ წერილობითი ფორმით შესრულებისა და მხარეთა უფლებამოსილი წარმომადგენლების ხელმოწერის შემდეგ.

### **20. მხარეთა ხელმოწერები და რეკვიზიტები**

#### **შემსყიდველი**

სსიპ „საქართველოს სახელმწიფო უზრუნველყოფის სააგენტო“

იურიდიული მისამართი: ქ. თბილისი, შ. დადიანი/გალაკტიონის N13/18.

ს/კ 204522793

სახელმწიფო ხაზინა

ბანკის კოდი: TRESGE22

ა/ა: GE24NB0330100200165022

დირექტორი

დავით სალაღია

ბ.ა.

მიმწოდებელი  
„-----“  
ს/კ: -----  
იურ. მის.: -----  
სს „-----“  
ბანკის SWIFT კოდი: -----  
ა/ა: -----

დირექტორი  
-----  
-----

ბ.ა.

დანართი №1

მომსახურების მახასიათებლები და ფასების ცხრილი

| №         | მომსახურების მიწოდების<br>ადგილი | მომსახურების დასახელება | დასამუშავებელი | მომსახურების<br>რაოდენობა | ერთეულის<br>ფასი | ჯამი<br>(ლარი) |
|-----------|----------------------------------|-------------------------|----------------|---------------------------|------------------|----------------|
| 1)        |                                  |                         |                |                           |                  |                |
| 2)        |                                  |                         |                |                           |                  |                |
| 3)        |                                  |                         |                |                           |                  |                |
| 4)        |                                  |                         |                |                           |                  |                |
| სულ ჯამი: |                                  |                         |                | ----- ლარი                |                  |                |

შემსყიდველი  
სსიპ „საქართველოს სახელმწიფო უზრუნველყოფის სააგენტო“  
დირექტორი დავით სალაღია

-----

ბ.ა.

მიმწოდებელი  
„-----“

დირექტორი

-----

-----

ბ.ა.